


XV  
I. N. J.

# ERGASTERIA DISCIPLINARIA



VULGO

Die

# Zucht = Gäußer


PRÆSIDÈ

D. N. JOH. GEORG. SIMONE, D.

PUBLICÆ VENTILATIONI EXPONIT

SAMUEL. Süllich/

ALTENBURGENSIS.



J E N Æ.

LITERIS. MÜLLERIANIS.

AO. CLD CCL LXXIIX.

ERGASTERIA

DISCIPLINARIA

NIED

1716

Amst. - 1716

1716

JOH. GEORG. SIMON D.

1716

1716

1716

1716

1716

1716

1716

1716

1716

1716

1716

L. S.

**M**irum est, quod de pœ-  
 nis scripsit *Cyprianus 2. ad Do-*  
*nat. à Gothofredo in not. ad*  
*rubr. ff. de pœn. allegatus: Ad*  
 unum hominis corpus plura  
 supplicia esse, quàm membra; Et tamen ve-  
 rum. Quis enim omnia pœnarum apud Gen-  
 tes usitatarum genera recensere poterit? Imò  
 vel solius Romanæ Gentis pœnas in medium  
 afferre & opus & labor esset. Paucas saltim  
 ad scopum meum præsentem facientes addu-  
 cam. Frequentes scil. Romanis erant: Da-  
 mnatio in metallum, cujus pœnæ mentio fit  
 in *l. 46. ff. de manumiss. testam. l. 24. §. 5. de fi-*  
*deicom. libert.* quam à Tarquiniò Superbò  
 excogitatam scribit *Eutropius l. 1. c. 10. & Sui-*  
*das in verb. Σένελε*; Qui tamen & in vo-

ce *Semiramis*. Semiramidem metalla invenisse, eaque per captivos exercuisse testatur. Damnatio in opus metalli, *l. 17. pr. de pæn.* quæ vinculis differebat à priori *l. 8. §. 6. eod.* damnatio in calcariam & sulphurariam. *d. l. §. 10.* Damnatio in ministerium metallicorum, nec non in Salinas, quæ fœminarum pœna erat, *d. l. §. 8. l. 6. de captiv. & postlim.* Damnatio in latomias, velut *Pand. Florent.* aliique libri vetustissimi legunt, lautumias, *l. 9. ex quib. caus. major.* Damnatio in pistrinum, *l. 1. §. 9. ff. de pos. l. 1. §. 3. l. 6. ff. de impens. in res dot. fact.* & forsitan consimiles aliæ. Harum enim occasione orta videntur hodierna Ergasteria, maximò sanè rerump. commodò extracta, de quibus nonnulla, non quidem pro materiæ dignitate, sed pro exiguis ingenii mei viribus, quippe quas mihi impræsentiarum periclitari placet, sum propositurus. Quoniam verò benè universa geruntur & competenter, si rei principium fiat decens & amabile Deo, *Nov. 6. in pr.* & absque Deo nihil

un-



unquam commodè geri potest. *Nov. 164.*  
*in pr.* Ideò Eundem supplex veneror, ut Ipse  
sit principium, medium atque finis, *Nov.*  
*109. in pr.*

## C A P. I.

DE

# DEFINITIONE, MORA- LITATE ATQUE DIVISI- ONE ERGASTERI- ORUM.

**M**ihi, de Ergasteriis brevem aliquam  
tractationem instituturo, Ulpiani ex-  
emplo *l. 1. pr. ff. de J. & J. l. 1. pr. de R.*  
*C.* erit inquirendum in vocis hujus originem.  
Est itaque Ergasterium vocab. Græc. ἐργαστή-  
ριον, à verbo ἐργάζομαι, operor, descendens,  
& civitate Latinâ donatum, vique primitivi  
sui denotat locum, in quo fiunt opera. Su-  
mitur autem tripliciter (1.) pro taberna merci-  
monii deputata, *l. 2. C. de Episc. & Cler.* ibi:  
quod ex eorum ergasteriis vel tabernis con-

quiri potuit, l. 2. C. de metat. & epidemet. ibi :  
ergasteria, quæ mercimoniis deputantur. (2.)  
Pro officinis fabrorum atque opificum, Prat.  
in Lex. jur. sub h. voc. (3.) Pro locis quibus  
otiosi, immorigeri, prodigi, hujusque fursu-  
ris alii ad facienda opera adiguntur, in quo si-  
gnificatu hoc vocabulum hîc accipitur. Præ-  
terea tamen Ergasteria non uno efferuntur  
nomine, quandoquidem aliis appellantur er-  
gastula, ædes disciplinares, pistrina, claustra  
pœnalia, Gall. prisons d' esclaves, Germ.  
Zuchtschulen / Zuchthäuser / Spinnhäuser /  
Noribergensium dicitur das Springerhaus.  
Sed enim præmissis jam præmittendis for-  
manda erit Ergasteriorum definitio, quæ for-  
sitan talis esse potest : *Ergasteria sunt loca,*  
*Magistratus autoritate, ad homines à vitâ*  
*inhonestâ ad honestam laboribus compellendos,*  
*salutis publicæ causâ extructa.* Dr. 1. *Magi-*  
*stratus autoritate.* Hic enim est causâ effici-  
ens, cum ipsi incumbat in remp. introducere,  
introducendamque conservare salutem, id quod  
Cicero

Cicero alicubi sic eloquitur : Ut gubernatori cursus secundus, medico salus, Imperatori victoria : Sic moderatori Reip. beata civium vita proposita est, ut opibus firma, copiis locuples, gloria, ampla virtute honesta sit Respublica. Ergasteria autem insigne sunt medium istam salutem introducendi atque conservandi; Sunt quippe pœnæ & coërcitiones, quibus malè operati puniuntur, suæque spontè opus boni viri facere detrectantes ad id coguntur, utrisque ansa ulterius delinquendi præscinditur. 2. *Ad homines Est.* sc. tam inclusos, quàm eos, qui in iisdem actu non sunt inclusi, ut odisse peccare incipiant formidine poenæ. Sic enim *Arist. 10. Eth. c. 9.* Οἱ ὅ πολλοὶ ἀνάγκη μάλλον, ἢ λόγῳ παθασχῶσι, καὶ ζημίαις, ἢ τῷ καλῷ. Quæ verba sic Latina reddidit elegantissimè *Dn. Rachelius* : Vulgus namque hominum necessitati potius paret, quàm rationibus & verbis : Item damnis & poenis citius, quàm respectu honesti in officio continetur. 3. *Compellen-*

*pellendos salutis &c.* In his verbis ultimis habetur finis tam intermedius, quam ultimus. Intermedius est contra civitatis finem operantis aut operati correctio, *arg. l. 20. ff. de pæn.* In eò quippe haut exigua salutis publicæ pars consistit, ut cives aberrantes à via salutis, in eam reducantur, quod utique per Ergasteria efficitur. Ultimus est salus publica. Omnes nimirum actus magistratus tendere debent ad salutem publicam, tanquam grave ad centrum, *Dn. Gæz. Us. Philos. Moral. in Facult. Sup. cap. de suppliciis. §. 5.* Ast hæc sufficiant de Definitione. Evolvenda nunc venit Ergasteriorum moralitas. Ergasteria verò aliquam in se fovere malitiam intrinsecam, nemo sanus affirmabit, cum sint quasi medicamenta civitatis. Quemadmodum autem medicamenta in se non sunt mala, sed saltem apparenter; Ita & Ergasteria, quia sc. sunt contra inclinationem appetitumque harum ædium inquilinorum, iisdemque mala videntur. Insuper Ergasteria humanæ naturæ oppidò



pidò convenientia esse inde dispalescit, quod poena eidem non disconveniat, quæ infligitur, quod regula actionis ordinaria tam sæpè negligatur, contraque civitatis finem peccetur. Natura enim omninò salutem publicam præscribit, præscribet proinde & media, sine quibusea obtineri nequit. Nequit verò obtineri sine poenis, atque hæ sæpè numero fiunt per condemnationem in Ergasteria. Quamvis etiam homo suapte natura liber sit, indeque nec Ergasterio videatur mancipandus; Attamen dum delinquit per abusum libertatis, jus perdit, quod habet ad membrorum usum, *Dom. Soto de J. & J. l. 5. p. 2. art. 3.* Dividuntur quoque Ergasteria in virorum *Rasphäuser* / & foeminarum *Spinnhäuser* / sicut Hamburgi videre licet alibiq; & de Amstelodamo testatur *Zesen in Descript. Amstel. l. 4. p. 302. & 315.* Mitius enim agendum cum foeminis, *arg. l. 6. ad L. Jul. Pecul. ibique Gothofr. in not. lit. e. l. 38. §. 7. ad L. Jul. de adult.* Sic Amstelodami foeminæ in Ergasterium

condemnata tenentur līnum, lanāque car-  
pere, texere plagas &c. Zesen *d. pag. 315.* Cum  
contrā multi virorum lignum Brasilianum  
tantò labore minuere cogantur, ut sudore,  
quamvis nudi laborent, toti madeant, *Id. p.*  
*304.* Non possum hic me temporare, quin  
mentionem faciam formæ lapideæ, portæ  
des Amsterdamischen Raspbauses impositæ.  
Sc. cernitur auriga currui, ferris limisque &  
aliis domus hujus instrumentis repleto, jun-  
ctos habens duos lupos, urfos, leones, alias-  
que feras bestias, quibus verbera ingerit acer-  
bissima, additâ hac epigraphe: Virtutis est  
domare, quæ cuncti pavent Zesen *d. l.* simi-  
li modò reperiuntur figuræ visu non indignæ  
über den Spinnhause / quas exhibet Ze-  
sen *d. l. pag. 316.* sed missis hisce,  
progredior ad

## CAP. II.

## CAP. II.

DE

### PERSONIS, QVIBUS POTES- TAS ERIGENDI ERGASTE- RIA COMPETIT.

**E**Rgasteria erecturis necesse est, ut habeant jurisdictionem. Jurisdictio autem secundum *Dn. Struv. S.C. Ex. 4. th. 79. 80. 81.* hodiè ferè tripliciter accipitur : I. Pro ipsâ maiestate seu summo Imperio, vel specialiter, pro illis juribus maiestatis, quæ sunt de legibus statuendis, ac dijudicandis causis tam secularibus, iisque civilibus & criminalibus; quàm ecclesiasticis, ut & magistratibus ordinandis. Atque hæc jurisdictio respectu totius Roman. Germ. est penes Imperatorem & Status simul; Respectu verò particularium rerum. est penes singulos Status, ratione territoriorum suorum, in quibus analogam Maiestati Imperatoriæ potestatem habent, & vocatur in specie jurisdictio territorialis, *Landes-*

Fürstliche hohe Obrigkeit / & in civitatibus Imperialibus Landes hohe Obrigkeit / Landes Ober- und Herrligkeit. II. Specialius denotat jurisdictio illam, quam Status Imperii rursus in suos subditos per investituram vel aliam concessionem transferunt, jus in civilibus ut & criminalibus reddendi potestatem, non administratorem, sed perpetuam, ipsique territorio, castro s. feudo coherentem, Germanie Gerichte. Quò pertinet divisio jurisditionis in superiorem, Ober-Gerichte / Hals-Gerichte / Peinliche-Gerichte / Blutbann; & inferiorem, Erb-Gerichte / Nieder- oder Unter-Gerichte; III. Jurisdictio significat de omnibus causis civilibus judicandi potestatem. Quicunque igitur habent jurisditionem primò significatu acceptam, eos potestatem Ergasteria erigendi habere statuo. Inter omnes verò eandem habentes primò locò ponendum puto Imperatorem Romanum. Est enim mundi dominus, *l. 9. ad L. Rhod. de jact.* non quidem ratione potestatis, sed ratione eminentiæ, *Magnif. Dn. Thoma ad Lampad.*



*pad. q. 294.* Proximum verò post Imperato-  
rem locum tribuo Electoribus, qui sunt  
die allernächsten Glieder des H. Römischen  
Reichs / *A. B. tit. 2.* Oberste Väter der Teut-  
schen Nation / *Hortled. de caus. bell. Germ. l. 1.*  
*c. 37. p. 292.* Et acquisitam habent jurisdictionem  
plenariam & omnimodam, cum omni-  
bus pertinentiis & superioritate territoriali,  
die hohe Landes-Herrschaftliche Obrigkeit / mit al-  
len Gerichten / Oberst / Mittelst und Nie-  
drigst / mit allen ihren Ehren / Würden / Frey-  
heiten / Nutzen und Zugehörungen. Habent  
jus remittendi poenas capitales per *R. I. zu*  
*Epeney de anno 1526. §.* Und wiewohl. Unde  
& ipsis competit pro capitali, aut alio etiam  
delicto aliquem afficere poenâ Ergasterii, &  
per consequens Ergasteria erigere. Sic Poten-  
tiss. Elector Saxoniae Dresdæ habet den Bau /  
ubi multi malefici durissimis laboribus male-  
ficiorum suorum poenas luunt quotidianas.  
Hos sequuntur Principes Imperii, habent quip-  
pe & hi jurisdictionem territorialem; Qui-  
libet enim Princeps est Imperator in suo terri-

torio, & tantum in illo potest, quantum Imperator in Imperio; Exceptis reservatis Imperatoris, *Magnif. Dn. Thoma ad Lampad. q. 178.* Juxta hos nominandæ veniunt Civitates Imperiales, iisdemque hæc potestas simili modo asserenda, cum pari jure cum Principibus gaudeant, uti apparet ex *Instr. Pac. art. 8. vers. tam in universalibus.* Indeque habent jurisdictionem territorialem, *Magnif. Dn. Thoma ad Lamp. q. 185.* Ita Norinbergæ erectum cernitur das Springerhaus / cujus inhabitatores adhibentur ad purgandas vias, ad fodiendum &c. His an addendæ sint Civitates mixtæ inter Imperiales & provinciales? (quæ, licet recognoscant Duces, in quorum territorio sitæ sunt, gaudent tamen suis regalibus ab Imperatore immediate concessis; Sicut Hamburgum paret Ducibus Holsatiæ, salvis immunitatibus ab Imperatore indultis, *alleg. Magnif. Dn. Thoma ad Lamp. q. 247.*) non est expeditum. Neque in universum unâ regulâ comprehendendi potest. Quando enim  
exer-

exercetur id genus coercitionis vi meri imperii, ut in delictis arbitrariis, vel quæ perpetuis carceribus animadvertuntur, haut dubiè ejusmodi magistratibus competet: Ubi verò in locum supplicii capitalis per modum aggratiationis exercetur, neque vi Regalium competet his civitatibus, neque jure territoriali, quod non habent, nisi civitates Imperiales. Exteris denique regibus, principibus, rebusque publicis liberis, propter potestatem independentem, potestatem erigendi Ergasteria competere nullum est dubium.

### CAP. III.

DE

#### PERSONIS IN ERGASTERIA DETRUDENDIS.

**H**Actenus perlustratæ fuerunt personæ, quibus potestas Ergasteria erigendi competit; Nunc agendum quoque erit de personis in ea detrudendis. In genere itaque in ea detrudendi sunt & mares & fœminæ, hoc tamē

men cum discrimine, ut uterque sexus peculiare habeat Ergasterium, *arg. l. 3. C. de custod. reor.* In specie verò I. LIBERI IMMORIGERI, domi coërceri atque ad officium redigi nescii. Quod officium in quò consistat, eleganter tradit *Gv. Grot. Ench. de Princ. Jur. Nat. c. 10. §. 9. & 10. ibique alleg. Selden. de Jur. Nat. l. 7. c. 2.* Hoc etiam lex divina *Exod. 22. Deut. 5.* singulari cum emphasi liberis inculcat. Turcæ quoque in octo suis vitæ præceptis tertio loco parentes colere præcipiunt, scientes forsitan ex *Plat. l. 9. & 11.* quod Dii nihil facilius exaudiant, quàm imprecationes parentum, quas justissimas esse putant, cum liberi parentibus maximum honorem debeant, *Ménarv. in Rel. Hist. Turc. vid. Arnif. Pol. c. 5.* Pietatem utique liberi parentibus debent, *l. 10. ff. de obseq. parent.* Pietatis ratio in parentibus constare debet, *l. 1. eod.* Filio semper honesta & sancta pèrsona patris videri debet, *l. 9. eod.* Et licet legum contemptor sit, tamen pater est, *Nov. 12. c. 2.* Quicumque igitur parentibus



bus debitam obedientiam, honorem atque reverentiam perseveranti pertinaciâ recusant, facile ad sanio rem frugem reducentur, si in Ergasteria coniecti non prius dimittantur, quàm signa emendationis vitæ exhibuerint. Filios immorigeros, à nemine videri desiderantes in peculiari Ergasteriò Amstelodami haberi testatur Zesen *d.l. p.304.*

II. OTIOSI. Hi enim peccant non modò in antiquissimum Dei præceptum. In sudore vultus tui vesceris pane tuò. Deus nihil otiosi in toto mundo vult ferre uti pluribus ostendunt *Camill. Borell. in Spec. Princ. in Pras. Alphons. de Avezede in Const. Reg. Hispan. lib. 8. tit. 11. l. 1. n. 1. & 2.* Verum peccant quoque in salutem publicam, dum nihil prorsus ad illius conservationem tendens faciunt; Quin potius aliorum operas devorant, cum propriis laboribus de victu sibi non prospiciant. Nemo quippe de vento vivere præsumitur, *l. fin. C. de alim. pupill. præs.* Antonii Pii laudabilis vox est, qui otiosis salaria eri-

C

piens:

piens: Nihil, dixit, esse sordidius, imò crude-  
lius, quàm si remp arroderent ii, qui in eam  
suò labore nihil conferunt, *Jul. Capitol. in*  
*Anton. Pio.* Præprimis itaque ab otio cives  
sunt retrahendi ad amplectendum aliquod  
honestum vitæ genus. De otio lex Regis Ægy-  
pti Amasis habetur ap. *Herod. l. 2. & Diodor.*  
*lib. 1.* quâ jubebantur cives singuli vitæ suæ ra-  
tionem quotannis reddere. Qui probare non  
poterant, se ex prædiorum fructibus vel hone-  
stò quæstu vivere; Aut convincebantur otio  
diffluxisse, pœnam mortis promeruerant. Ab  
Ægyptiis legem hanc mutuatus Solon; vel ut  
*Plutarchus* existimat in *Solon.* Pisistratus; Vel  
ut *Lysias* arbitratur in *Orat. contra Niciam.*  
Draco, Atheniensibus tulit, potestatem con-  
cedens Arcopagitis otiosos supplicio afficere,  
*Valer. Max. l. 2. cap. 1.* Atque hæc lex probè  
cognita fuit Hugoni Marchioni Brandenbur-  
gensi, Ottonis III. Imperatoris in Italia Vica-  
rio, qui otiosos in judicium ad reddendam  
otii & sumptuum rationem vocavit, *Klock. de*  
*Ærar.*

*Ærar. lib. 2. c. 102. num. 16.* Quæ consuetudo ab hoc Hugone introducta etiamnum viget in Hetruriâ, maximè Florentiæ, teste *Camera-rio. Oper. Subsec. c. 15. fol. 137.* Melius proinde cum iis agi nequit, qui spontaneos manuum suarum labores manducare nolunt, quàm si illi eosdem coactos Ergasteriis manducare teneantur. Videatur etiam *Rönig Theatr. Pol. part 2. cap. 10. num. 30.*

III. MENDICANTES VALIDI. *vid. Faust. ab Aschaffenburg. Consil. pro Ærar. class. 15. ord. 1058. p. m. 618.* Illi enim, quos morbi vel ætatis malum ad laborem reddit ineptos non sunt molestandi, *Nov. 80. c. 5.* Sed recipiendi in Ptochotrophia, Orphanotrophia. Nosocomia, Gerontocomia, &c. atque ex ærariò sacro alendi. *Rönig. Theatr. Pol. part. 2. c. 10. num. 29.* Validi verò, qui victum mendicando potius, quàm laborando quærere gestiunt, in repub. sicuti olim non sunt tolerati, *Plato lib. 8. de LL. Camerar. lib. 1. Oper. Subsec.* ita nechodie sunt tolerandi, *Schönborn. lib. 3. Pol.*

C 2

cap.

*cap. 15. Rönig. d. l. num. 46.* Verum si simpliciter indebitè mendicant, nihil aliud fingentes, ad laborem sunt adhortandi, huncque detrectantes, si indigenæ, in Ergasteria condemnandi; Si peregrini, è rep. ejiciendi, subq; pœnâ Ergasteriorum ipsis reditus prohibendus, sique revertantur, pœnâ huic statim subjiciendi. Simili modò qui v. g. faciunt sibi tibias & manus intumescere, vel mentiendo aliquem casum fortuitum, v. g. incendii &c. stipem emendicant, hominesque decipiunt, statim, fraude compertâ, in Ergasteria utiliter conjici possent. Aliàs juxta Jus Saxon. his dictitatur pœna fustigationis cum relegatione, sicut *Resp. Scab. Lips. d. 17. Dec. Ao. 1624.* Pœnam, quam Sacratiss. Imp. Justinianus in validos mendicantes constituit, vid. *l. un. C. de mendic. valid.* quæ sex sepulta deploratur *Damhoudero Prax. Crim. c. 110. n. 58.* Idem quoque *cap. 151.* recenset Regiæ Majestatis Hispaniæ edictum, quò sagabundi mendici ad tiremes poscebantur. Quod & Carolus V.

& Phi-



& Philippus Hispaniarum reges sanxerant in Statutis Mechin. Anno 1605. editis, referente *Arnif. Pol. c. 18.* Carolus M. palantibus mendicis aliquid tribui vetuit, & quamlibet regionem suos alere iussit pauperes ad labores ineptos, *Klock. d. l. n. 40. Rönig. d. l. n. 47.* Huc pertinent Constitutiones Imp. de Annis 1500. 1530. 1549. sub rubricâ von Bettlern / à D. Denaisio in Jur. Cam. relatæ. Quod si igitur cum mendicantibus dicto modo apud nos ageretur, denuò dici posset, quod *Goldast. lib. 3. Rer. Germ.* scribit, mendicos olim apud Germanos non fuisse.

IV. ZYGARI. Italis appellantur Cingali propter vitam motuam atque vagabundam, à cingalo s. cinglò, quod motacillam denotare dicitur, Germanis nominantur Ziegeuner / quasi ziehe einher / quoniam vagabundi sunt homines, *Vehner. Observ. Pract. verb. Ziegeuner.* Unde autem primi orti fuerint in tanta Historicorum nube exactè perspicere nequit. Varias opiniones *vid. ap. Limn.*

*J. P. l. 9. c. 1.* Hi, qui Ann. 1427. d. 17. August.  
Parisis apparuerunt, patriam suam nomina-  
runt Ægyptum inferiorem; A Pontifice vero  
poenitentiae locò sibi esse dixerunt impositum  
propter apostasiam à fide Christianâ, ut septem  
annis hinc inde sine certâ sede vagarent. Se-  
ptennium verò istud non modò majoribus,  
sed & successoribus, conficiendum esse perpe-  
tuâ serie. Qui verò Ann. 1439. in Germania in-  
notuerunt, appellarunt se quidem Ægyptios,  
verùm vagabundos propter majorum deli-  
ctum, quò virgini Mariæ cum puero JESU  
Herodis tyrannidem effugienti hospitium de-  
negâssent. Hodierni Zygarî sunt ex variis na-  
tionibus collectorum hominum senuna,  
multique eorum sunt Germani, & sine certis  
sedibus regiones peragantes ex mendaciis,  
furtis, rapinis, mendicationibus, chiromanu-  
câ divinatione atque magicis artibus vivunt,  
*Camer. cent. 1. c. 17.* Corpora deditâ operâ  
efficiunt nigra, pingvedineque ungunt infan-  
tes recens natos, ut terreo luteoque colore na-  
tionem

tionem planè peregrinam mentiantur. Per-  
niciosissimum hoc hominum genus per con-  
demnationem in Ergasteria optimè posset à  
patria nostra cohiberi. Sic Rex Galliaè An-  
no 1561. decretum promulgabat, quo omnes  
præfecti regii Zygaris indicare jubebantur, ut  
intra duos menses Gallia excederent sub pœ-  
na mortis aut triremium. Aliàs *Ord. Pol. Fran-  
cos. de Anno 1576. sub tit. 28.* von Siegeunern/  
exitiosis hisce hominibus in Imperio securita-  
tem denegat, eosq; quibusvis impunè offer-  
dendos permittit.

V. MILITES EX MILITIA DIMISSI  
Herrnlose oder gartende Knechte und Land-  
fabrer. Multi militum in militia ita assue-  
scunt otio atque rapinæ, ut postea vel spontè  
aufugientes, vel admissi ad labores antea con-  
suetos v. g. opificia &c. agerrimè redeant;  
Quin potius regiones pererrantes apud rusti-  
cos prætextu militiæ stipem colligunt, & vel  
invitis extorquent. Cum autem malignita-  
ti aut malitiis hominum non sit indulgen-  
dum

dum. l. 3. per quas. perf. l. 38. de R. U. His in Rep. locus non est concedendus, nisi in Ergasteriis, in quæ conjecti laboribus diurnis sunt exercendi, pensum non absolventes fame premendi, iisdemq; ostendendum, quomodo mortui boves, ut Plautus jocatur, incurserint vivos homines. Atque de his extat *Constitutio Imperii de Anno 1555. §. Und damit ange- regte Bergaderung/ quæ repetitur in Ord. Pol. Francos. de Anno 1577. sub tit. 7. von den Herrenlosen und Garten = Knechten. Addatur Speid. Notab. voc. Gart = und Herrenlosen Knechte.*

VI. DECOCTORES improbi, falliti, banceruptores, Leut = Befrager / Muthwillige Banderoffirer. Cum enim creditores suos sua culpa aut paupertatem haut raro pertrahant, eosdem in Ergasteria trahere haut esset iniquum. Jure quidem communi ipsis concessum est bonis cedere; Verum quoniam isti decoctores beneficio hoc abutuntur, dum vel pecunia large instructi foro cedunt, vel se plus solvere non posse, quam habent,



habent, credunt, rectè statutis atque moribus  
quorundam locorum iis hoc denegatur be-  
neficium. Dolus enim suus nemini debet pa-  
trocinari, *l. 1. pr. ff. de dol.* Et frustra implo-  
rat beneficium legis, qui contra legem com-  
mittit, *arg. l. 37. de minorib.* Habetur verò  
carcer publicus, **Schuldschurm** / velut in E-  
lectoratu Saxoniae, ubi cessione bonorum  
per claram sanctionem abrogatâ debitor  
culpâ aut prodigalitate suâ haut solvendo  
existens præcisè in ejusmodi carcere in pu-  
blicum conjicitur, *Dn. Carpz. Asyl. gener.  
debit. c. 2. th. 43. n. 173.* Jure communi Saxo-  
nico in usu est addictio ad operas creditori  
præstandas **der Schuldiger wird dem Gläu-  
biger an die Hand gewiesen / biß er die Schuld  
loß arbeite** / *LandR. lib. 3. art. 39. Schnei-  
deuv. ad §. fin. Inst. de Aëtion.* Atque tali  
modò in Scabinatu Jenensi pronunciatum  
An. 1657. refert *Dn. Struv. S. f. Civ. Exerc.  
44. th. 32.* Objicis : Per debitorum con-  
demnationem in Ergasteria non consulitur

D

credi-

creditoribus. Rēsp. Quamvis creditoribus non consulatur in totum, consulitur tamen iisdem in tantum. Potest quippe magistratus creditoribus aliquid solvere locū illius, quod fructus ex decoctorum laboribus in Ergasteriis percipit. Quippe nec in bonorum cessione aut additione ad operas creditorum, in totum satis fit omnibus creditoribus, nisi loco solutionis reputare velint ignominiam, quā vexantur debitores. Solent enim alicubi beneficium cessionis implorantes circumduci per civitatem, campanā pulsatā cum tubis & vituperiō usque ad locum in quō cedunt. Alibi in forō sedere coguntur, plebeque circumstante in os corbem accipere; vel in publicum traducuntur, grege puerorum comitante, qui inane gestant marsupium. Quibusdam in locis cedentibus solvitur Zona. Alibi fit cessio à debitoribus publicè posteriora nudè ostendendo & exclamando: Cedo bonis. In multis Italiae provinciis cedentes lintea-

men

men & pectinem habent, ac in terrâ seden-  
tes caput pectinant voce hac emissâ: Cedo  
bonis *Dn. Carpz. Asyl. gener. debit. c. 2. th. 43.*  
Alibi ligantur ad columnam (an den Raack)  
vel ad lapidem quem vocant vituperii, co-  
guntur ire & eundem nudi percutere, *Zan-  
ger. in Comm. ad quat. precip. Decret. titul.  
c. cum te. de sent. & re judic. n. 39.*

VII. PRODIGI. Hi à precedentibus dif-  
ferunt in eò, quod isti præter bona propria  
aliena quoque, quæ scil. mutuò sumserunt,  
abligunt. Prodigii verò bona sua dilace-  
rando & dissipando profundunt, *l. 1. pr. de  
curat. furios.* Sunt gurgites atque voragines  
sui patrimonii, quod apparet ex formulâ,  
quâ bonis iis olim interdicebatur *ap. Paul. l.  
3. Sent. tit. 4.* Quando tua bona paterna  
avitaque nequitia tuâ disperdis, liberos tuos  
ad egestatem perducis, ob eam rem tibi eâ re  
commercioque interdico. Nec non lege  
Platonis sic se habente: Unicuique bono-  
rum suorum possessio libera & integra esto,

tum civi, tum peregrino, nisi quis civis prodigus iis furiosè abutatur. Unde ipsis dantur curatores, *d. l. 1. pr. de curat. furios.* Expedi enim reip. ne quis suâ re malè utatur, §. 2. *Inst. de his qui sui vel alien. jur.* Ad probandum verò aliquem esse prodigum, debent testes assignare rationem, utpote quia vident, quotidie illum dilapidare bona sua & exponere ultra facultates, *Paul. Christianus Decis. 182. num. 27. Es seqq. vol. 1.* Wann einer frist / saufft / spielt / und hingegen alle andere Arbeit / damit ein ieder nach seinem Stande sich ernehren muß / unterläßt / *Klock. de Ær. l. 2. c. 102. in. fin.* Quod si autem ejusmodi prodigalitas coerceretur detrusione in Ergasteria, tunc non modò curatores, prodigis dare soliti, non incommodarentur, sed & ipsi prodigi ad labores in iis adigi, indeque sumtus suos habere possent.

VIII. LEGUM TRANSGRESSORES,  
quibus juxta leges humanas ultimum supplicium, quibus fustigatio aut relegatio erant  
infl-



infligenda; Aut denique qui damnandi erant  
ad perpetuos carceres. Quæcunque enim  
crimina legibus divinis ultimo supplicio  
vindican- tur, illa magistratus remittere ne-  
quit, *Deuter. c. 13. v. 8. & seqq. c. 17. v. 12. &  
seqq.* aliisque in locis. Nisi malit asperam  
Prophetæ sententiam Achabo dictam audi-  
re: Quoniam virum morte dignum dimi-  
sisti, erit anima tua pro anima ejus, *1. Reg.  
20. in fin.* Notatur Numa Pompilius, qui  
specie religionis imponens populo: si casu  
virgo vestalis ei, qui ad supplicium rapere-  
tur, occurrisset, liberum eundem dimitti  
jussit, *Plutarch. in Num.* Qui perversus mos  
hodiernum Romæ vigere dicitur, nisi quod  
Vestalium beneficium ad Cardinales jam sit  
translatum. Quæ verò crimina legibus  
humanis sunt capitalia, ut crimen furti &c.  
magistratus abolere vel in totum, vel in tan-  
tum potest, *l. 4. in fin. l. 9. §. 11. l. 31. in pr. ff. de  
pæn. Vid. Magnif. Dn. Thoma ad Lamp. q. 386.*

Cum præsentissimo tamen reip. commodo ejusmodi ultimi supplicii candidatos, non momentaneâ, sed perpetua morte affigit, eos in Ergasteria per vitæ tempus condemnando. Parcitur quippe sumptibus in executionem impendendis, illorumque operibus in Ergasteriis exantlandis augetur fiscus. Simili modo fustigationem & relegationem præmeriti, ea non sunt afficiendi, sed in Ergasteria rapiendi. Sæpe enim talismodi homines pœnis hisce non emendantur, & ad quælibet mala reip. infligenda incitantur. Et dantur exempla eorum, qui integras urbes propter hæc perpeffas pœnas Vulcano tradiderunt. In nonnullis locis viget consuetudo, ut puella nubilis aut meretrix ad mortem condemnatum, legibus sc. merè civilibus, intercessione sua atque petitione in matrimonium, possit liberare. Rationes redduntur hæ: (1.) quod per matrimonium major pœna reo imponatur. (2.) quod meretrices hoc pacto vitam meretriciam derelinquant.

quant. Verum has rationes ridiculas esse  
quilibet videt. Certè multi hanc pœnam  
non modò non respuerent, verum amba-  
bus etiam amplecterentur manibus. Deinde  
meretrix potest iterum orbari suò, tali mo-  
modò paratò, maritò, tumque pristinos mo-  
res reassumere haut erubescet. Quid? quod  
cum eosdem semel in habitum converterit,  
ne quidem depositura est in ipsò matrimo-  
niò. Proinde hoc non est concedendum,  
potiusque ejusmodi impudica mulier, quæ  
contra pudicitiam sexui congruentem aliè-  
nis causis se immiscet, *l. 1. §. 5. de postul. l. 2.  
pr. de R. J.* etiam abripienda est in Ergaste-  
rium, *Spinn-Haus* / laboribusque sibi ma-  
ceranda, nullus dubitò, quin ad meliorem  
frugem hac ratione melius, atque acceptio-  
ne mariti, sit reditura. Quod autem dictum  
est de meretricum intercessione, veniam scil.  
propterea reo non esse concedendam, id ob-  
servetur quoque in petitionibus carnificum,  
qui ad mortem damnatos servos sibi dari pe-  
tunt;

tunt; Id quidem ulu receptum esse in Italia,  
Germania & Gallia refert ex *Pap. 3. Not. 10.*  
*c. des remissions. Gothofredus in not. ad l. 31.*  
*lit. e. ff. de pæn.* Verùm cùm sufficiens co-  
pia carnificum ubique ferè hodiè habeatur,  
melius agit magistratus : si talem malefi-  
cum mancipet Ergasterio, quàm carnificis  
officio.

IX. SERVI (1.) BARBARI. Hodiè e-  
nim apud Christianos servitutis jura, quibus  
alii aliis ferarum in morem subjiciebantur,  
in desuetudinem abierunt, captivique certa  
pecuniæ summa redimuntur, *Dn. Bech-*  
*mann. Comm. π. tit. de his qui sui vel alien.*  
*n. 59. Dn. Struv. S. C. Ex. 40. th. 69. Shultz.*  
*Synopsf. inst. tit. de jur. pers. lit. a.* Eorumque  
æstimatio est in arbitrio victoris, nisi certi  
aliquid convenerit. Jus autem captos ser-  
vandi solet concedi singulis, qui ceperunt,  
extra personas eximie dignitatis; In has enim  
reip. aut ejus capiti jus dant plerarumq; gen-  
tium mores. *Grot. de J. B. l. 3. c. 7. §. 9. 2. ibique*  
*in not.*



*in not.* Quoniam verò Turcæ aliique infideles populi in bellis Christianos captivos in servitutem condemnant; (De miseria Christianorum à Turcis captorum agit *Speidel. Notab. voc. Gefangene Christen.*) Hinc Christiani, æquali severitate crudelitatem hanc retaliantes, captivos Turcas aliosque infideles in servitutem redigunt. Quod si igitur isti captivi mancipentur ergasteriis, ibique ad opera facienda alligentur, quod, quæso, commodum ex eorum laboribus in fiscum redundaret? (2.) NATURA TALES. Per hos intelligo, quos natura rationis ad eò impotentes generavit, ut sibi metipsis de victu prospicere nequeant. Hi certe per intentionem naturæ secundariam planè in id geniti videntur, ut ab alterò salutem suam accipiant. Naturà enim vult omnibus bene esse etiam illis, qui ex se vivere nequeunt. *arg. §. 6. Inst. de Attil. tut.* Jam verò illud consequi possunt isti beneficiò Ergasteriorum, ubi de salute ipsis debità potest prospici locò laborum,

E

rum,

rum, quos ibi exantlare tenentur, sicque in iisdem Ergasteria rationem poenæ non habent.

X. ILLI QUI CAUTIONEM PRÆSTARE NEQUEUNT I. DE NON OFFENDENDO. v. g. si quis nudis verbis incendium alicui minetur, metusque exequendi adsit, tunc minitans optimè potest conjici in Ergasterium aliquod; Cum enim naturalis inter homines sit cognatio, hominem homini insidiari nefas est, *l. 3. ff. de J. & J.* Siquè sufficientem cautionem præstare nequit, retineri, *Ord. Crim. Galoli V.* Ergasteriumque partim poena esset, partim custodia; Modò minitans de minis convictus aut eas confessus fuerit. Sic minitatus sublevatur præstatione alimentorum, quæ aliàs præbenda sunt incarcerato non habendi, undè alatur; Minitanti namque propter labores, quos in Ergasterio intereà temporis expedire deberet, facile posset præstari victus. II. DE NON VINDICANDO CARCERE, propter dubiam sc. atque suspectam

Etam fidem, quâ quidam juramentum, die  
Urphede/ non servaturi præsumuntur. Fa-  
ciles quippe sunt nonnulli hominum ad ju-  
randum, *l. 8. ff. de condit. instit.* Melius ita-  
que est in tempore occurrere, quam post  
vulneratam causam remedium quærere, *l. 1.*  
*C. quando lic. unicuique sine jud.* Formula  
Urphede in Camera Imp. consveta est hæc:  
Ihr werdet schweren einen Eyd zu Gott  
und auff das heilige Evangelium/ daß ihr die  
Gefängniß/ darinnen ihr von wegen eurer  
Mißhandlung zur Straffe angenommen  
worden/ gegen den Herrn Cammer- RICH-  
ter/ Præsidenten/ Beysigern und allen des  
Keyserlichen Cammer-Gerichts-Personen/  
auch Bürgemeister und Rath der Stadt  
Speyer/ ihren Dienern und Verwandten/  
auch sonst manniglich mit Worten und Wer-  
cken/ heimlich oder öffentlich/ in keinerley  
Weise oder Wege rächen oder anten wollet/  
alles freulich und ohne gefehrde. Atque  
ita juravit C. S. von G. bey Herrenberg/ præ-  
sentibus testibus N. & N. d. 26. Octobr. An.  
1551. *Wehn. in Obs. pr. sub voc. Urfriede.* Vi-

deatur etiam de Urphedâ *Dn. Bechm. Com.*  
*ad π. ad tit. de in lit. jurand. Obs. pract. 6.*  
*Trentl. vol. 1. disp. 5. th. 6. lit. Q. & vol. 2.*  
*disp. 18. th. 5. lit. f. in fin.* Atque tantum de  
personis in Ergasteria detrudendis.

CAP III.  
DE  
FINE, EFFECTIBUS,  
CONTRARIIS ATQUE AF-  
FINI ERGASTERIO-  
RUM.

**S**Uprâ finem Ergasteriorum ultimum dixi  
salutem publicam, intermedium verò  
contra civitatis finem operantis aut operati  
correctionem, qui nunc paulò latius erit ex-  
plicandus. Intendit autem magistratus per  
Ergasteria correctionem.

I. LIBERORUM IMMORIGERORUM, qui  
domi corrigi nesciunt. Parentes sanè pro-  
pter generationem, *per. Inst. de patr. potest.*  
l. 3.



*l. 3. ff. de his qui sui vel alien. jur.* perfectionis prærogativam, beneficiorumque magnitudinem, potestatem habent in liberos. Si itaque liberi hanc contumaciter negligant, parentesque, quos venerari oportet, contumeliis afficiant, vel impias manus eis inferant, delictum hoc ad publicam pietatem pertinens pro modò vindicat magistratus; *l. 1. §. 2. ff. de obseq. parent.* Et quidem parricidas poenâ L. Pompejæ de parricidiis, §. 3. *Inst. de publ. jud. ibiq. Schultz.* Contumeliis verò eisdem afficientes, aut verberantes, locò carceris, relegationis, minusque amputationis, quâ verberârunt, quæ poenæ haut rarò infliguntur; *Schultz. d. l.* commodè detrudit in Ergasteria. Et possunt quidem ipsi parentes eisdem offerre magistratui, dicturo Ergasterii poenam, si velint *arg. l. 3. C. de patr. potest. l. 2. ad L. Cornel. de fiscar.* Si verò nolint parentes, cœcò forsitan amore liberorum correpti, autoritate magistratus liberi contumaces in Ergasteria sunt compellen-

di, *arg. l. 5. C. de patr. potest.* Poena lege Dei  
in filios immorigeros constituta olim fuit la-  
pidatio, *Deut. 21. v. 18.* Terribile etiam pri-  
vilegium à Ludovico Pio Imperatore Anno  
1320. concessum legitur Norinbergensibus, vi  
cujus parentes liberos ἀκολάστους & inobedi-  
entes carcere turris coercere & vivos in pro-  
fluentem demergere possunt, *Limn. f. P. l. 7.*  
*c. 35. n. 14.* Quoniam verò potestatis paren-  
tum in liberos facta est mentio, hîc explica-  
re conveniet, in quibus illa consistat. Con-  
sistit autem in jure (1.) liberos in extremâ pau-  
pertate vendendi, *l. 2. C. de patrib. qui fil. su-  
os distrax.* Ratio est, quia potius libertas,  
quàm vita est perdenda, cùm ad illam detur  
regressus, ad hanc verò neutiquam. An au-  
tem filius venditus fiat servus, *vid. Ulngp. Ex-  
erc. Justin. 3. q. 3.* Hodie verò ejusmodi ven-  
ditionem non habere locum, testatur *Perez.*  
*in h. t. num. ult. Grænevog. LL. Abrog. in C.*  
*h. t.* (2.) eosdem oppignorandi. Cui enim  
licet, quod plus est, eidem licebit quoque,  
quod

quod minus est. (3.) Modicè illos castigandi, *l. 3. C. de patr. potest.* (4.) Disponendi de eorum nuptiis, *pr. Inst. de nupt. l. 2. ff. de rit. nupt.* (5.) Præscribendi vitæ genus honestum, *arg. l. 6. lib. 11. C. de spectac. & scen. & lenon.* (6.) In liberorum bona, respectu tamen habitò ad quodvis peculium, *l. 2. C. de patr. potest. §. 1. Inst. per quas pers. cuique acquir. Nov. 117. c. 1.* Sub patriâ potestate verò hodiè non continetur [1.] jus vitæ & necis. sicut olim, *l. 11. in fin. ff. de liber. & posthum. l. ult. C. de patr. potest.* ne parentes malignè circa sanguinem suum inferant iudicium, *l. 4. ff. de inoff. testam.* Patria enim potestas in pietate debet, non in atrocitate consistere, *l. 5. ad L. Pomp. de parricid.* [2.] Jus præscribendi religionem, quam sectari debeant liberi; Religio enim, quatenus est actio interna, est ex numero eorum, quæ præscribi vel imperari nequeunt, *Dn. Bechman. Comm. ad. A. B. Exercit. 13. num. 22.* Hinc rectè dixit Stephanus Rex Poloniæ,

DE-

DEUM tria sibi reservasse : Scire futura,  
Ex nihilo aliquid facere, Dominari consci-  
entiis.

II. LABORARE NOLENTIUM. Tales sunt  
otiosi, mendicantes validi, Zygari, milites  
ex militia dimissi, Herren-lose oder garfende  
Knechte, / prodigi. Quàm severè Chinen-  
ses castigent otiosos, ex Boteri Cosmogra-  
phia recenset *Klock. de arar. d. l. 2. c. 102. n. 13.*  
& 14. inquit, quod ibi unusquisque ali-  
quid facere cogatur, nec relinquatur palmus  
terræ, quæ non colatur, nec dragma mate-  
riæ, quæ non formetur. Inter alias res no-  
tatu dignas, numeranturque quatuor coe-  
corum millia, qui ferendis frugibus & ory-  
za occupantur. Sic Poloni quoque vagos  
laboremque fugientes homines aut graviter  
plectere, aut regiis laboribus mancipare di-  
cuntur. Magistratus utique præcipuè in id  
incumbere debet, ut otium ex rep. extermi-  
netur. *Cicero* dicit alicubi de *rep. Rom.* Tam-  
diu duravit in civitate gloria, quamdiu ado-  
lescen-



lescentibus otiosis vagari non licuit. Necesse est, inquit Salustius, omnes in rep. sua habere negotia, quibus à malo publico detineantur. Proinde magistratus hac quoque de causâ extruit Ergasteria, ut laborem fugientes metu, verberibusque atque fame ad labores adigat, etenim

Quid non mortalia pectora cogis intolleranda fames?

III. DELINQUENTIUM. Illos enim, quibus sine læsione divinorum præceptorum vita concedi potest, & qui sine fructu relegatione & fustigatione afficiuntur, utiliter etiam in Ergasteria condemnat magistratus. Et quidem siue commiserint delictum privatum, quale committunt decoctores, quos *Ord. Pol. Franc. de Anno 1577. tit. vers. Als vielmalts.* furibus comparat. Alios quippe bonis defraudant, eorumque paupertatis causa existunt. Perversissimi decoctoris exemplum recenset *Klock. de arar. l. 2. c. 8.* qui cum patrimoniū pupilli, cujus tutor erat

F

datus

datus assumisſet univerſum , juſſus tutelæ rationem reddere. Nihil, inquiebat, ſuper eſt; Hanc rationem accipite, aliam neſcio. Verum magiſtratu urgente, ut libellos accepti & expenſi afferret; Ille os primò oſtendit, deinde podicem, illic recepta eſſe ſubindicans, hîc expoſita. In areâ deſ Amſterdamſchen Raſphauſes fures poſt ſuſtigati-  
onem publicè perpeſſam teſtatur Zeſen d. l. 4. p. 302. Sive commiſerint delictum publicum v. g. crimen falſi, §. 7. *Inſt. de publ. judic.* aut aliud etiam. Sicque ii, qui intea reip. nocuerunt, in Ergaſteriis eidem ſatis prodeſſe poſſunt.

IV. DEFECTUUM NATURÆ IN SERVIS NATURA TALIBUS APPARENTIUM. Quia enim hi ſibi relictî ſalutem debitam minus minusq; ſunt impetraturi, rectè magiſtratus & hâc de cauſâ extructa habere debet ergaſteria, ut tanquam communis parens iſtis naturæ defectibus ſubveniat. Atq; hoc nihil in ſe acerbitatis habet, ſi tales ſervi deducantur in Ergaſte-

gasteria, ut antea quoq; subinnui, cum istorum labores perpetuâ alimentorum certitudine ibi compensentur, quam sæpè non habent, qui diurnas operas locant. Sic in Historiis notabat *Posidonius Stoicus*, multos olim fuisse, qui suæ imbecillitatis conscii, aliis in servitutem spontè sese darent ut domini ipsis providerent de necessariis, locò cuius ipsi, quas possent, præstarent operas, *Grot. de J. B. l. 2. c. 5. §. 27.* Si itaque tali modo per Ergasteria emendabiles castigentur, vicia radicitus extirpentur, putrida n̄tembra rescentur, complures effectus reip. maximè salutare exinde emanare necessum esset. *Conf. Magnif. Dn. Zeit Ludwig von Seckendorff Tract. vom Teutschen Fürsten-Staaf. part. 2. cap. 8. num. 4. p. m. 215.* Etenim (1.) consulitur auctoritatì parentum, honestati familiarum, dum liberi pietatem parentibus debitam non agnoscentes, inque omnis generis vitiis se volutantes in Ergasteriis dediscunt, quæ in nequitia scholis didicere. (2.)

Cives ad honestum vitæ genus inclinant animum, si tali modò cum otiosis hujusque farinae aliis agi cernunt ; Exemplò enim deterriti minus delinquant, *l. 6. de pæn.* Hincque suis laboribus juvant remp. ordinaria sc. tributa solvendo, quæ otio dediti minus solvere possent. Otium enim paupertas certissimè sequitur, teste Salomone *Prov. 6. v. 10. & 11.* Jam verò *Wo nichts ist / hat der Keyser sein Recht verlohren /* sicut Germani dicunt. Alia vitia ex otio venientia prætereo, quæ hac ratione non accidunt. (3.) Lues foedorumque morborum contagia, quibus erronee civitates inficere solent, evitantur. (4.) Proditores atque exploratores v.g. Zygarî &c. arcentur, qui patriæ nostræ consilia aliis populis referre solent, *cit. Generos. Dn. à Seefendorff / in addit. ad loc. allegat. l. 42. n. 10. p. m. 202. ubi fusè* (5.) Non tam multi ab improbis decoctoribus re suâ defraudantur, dum isti decoctores Ergasteriorum metu à tam improbò factò absterrentur



*d. l. 6. de pœn. (6.)* Mirum in modum augetur  
ærarium, non modò laboribus in Ergasteriis  
laborantium ; Verùm etiam vectigalibus,  
quæ propter exportandas merces in Ergaste-  
riis confectas emptores peregrini solvunt. (7.)  
Evitantur incommoda à relegatis & fustiga-  
tis inferri plerùmque solita, impensisq; in de-  
linquentium executionem faciendis parci-  
tur, ut suprâ quoq; dixi. Alios vel sexcentos  
effectus brevitatis studiò omitto, de Contra-  
riis, videl. de dimissione & fuga pauca quoq;  
adjecturus. Istam ergo quod attinet, puto,  
quod juxta leges positivæ humanas mortem  
promeriti prorsus non sint dimittendi. Ad  
tempo verò tantùm in Ergasteria condemna-  
ti, tempore præterlapsò, sint dimittendi, suffi-  
cienti cautione præstitâ de non vindicandò  
Ergasteriò ; Hancq; præstare non valentes  
tamdiu retinendi, quoad possint præstare. Si-  
ne certo tempore condemnati sunt dimit-  
tendi, quando signa emendatæ vitæ suffici-  
entia adsunt, etiam tamẽ sub cautione. Hanc  
quod spectat, credo nullum tam facilè ausu-


gere posse, cum Ergasteria loca sunt munitissima. Si verò quis forsitan aufugisset, iterum deprehensum gravioribus, atq; antea laboribus, sine dubio mancipaturus est magistratus ut is aufugiendi cogitationes libenter posterum intermittat. Restare deniq; videtur, ut de Ergasteriorum Affini, nim. de damnatione ad triremes sermonē quoq; faciam. Damnare ad triremes Germanis dicitur auf *Galeen Schmieden*/ quod voc. descendit à Gallicò Galere, triremis. Poena verò hæc secundum communem Dd. sententiam in locum damnationis in metallum successit, *Sculitz. Synops. Inst. tit. 12. lit. b. Besold. Thes. Pr. voc. Auf den Galeen schmieden*. Et possunt quidam personæ suprà in Ergasteria condemnandæ, ad triremes condemnari pro arbitrio atque utilitate cujusq; Reip. Quoniam itaque Resp. maritimæ sæpe necesse habent certum aliquem triremium numerum v. g. ad expeditionem bellicam instruendā ad quas agendas opus habent robustis remigibus; E re suā satius esse credunt, mancipandos aliàs Ergaste-

riis terrestribus mancipari Ergasteriis nauti-  
cis s. thremibus. Interdum tamen expedit ut  
in exemplum aliorum sceleratissimi juxta le-  
gum rigorem puniantur, ut unius poena me-  
tus esse possit multorum, *l. 1. C. ad L. Jul. re-  
petund. l. 28. §. 15. ff. de poen.* Triremium au-  
tem candidatis abradi primò solent crines  
pilique à vertice usq; ad calcem, ne forsitan  
hospitium inveniant animalcula ex sudore  
generari solita. Deindè iis inducitur subliga-  
culum nauticum & subucula ex vilì rudique  
pannò confecta, atq; ad genua usque demis-  
sa, ejus coloris, quem Trierarchus pro notâ  
gestat seu discrimine navali. Mox pedibus  
illorum injiciuntur catenæ præter propter  
trium ulnarum. Et quidem pedi sinistro co-  
rum, qui à puppi proram versus dextrum te-  
nent latus, dextro verò istorum, qui sinistrum  
tenent latus, ut facilius tam hi, quam illi re-  
migare possint. De tenuissimo victu *vid.*  
*Damboud. Prax. Crimin. c. 153. n. 71.* quem  
lautiorem interdum sibi comparare possunt  
ex peculio nautico, quod ipsis conceditur.

Scitè

Scitè admodum de eorum vigiliis dicit *Damb. d. c. num. 72.* quod propter eas apud Trierarchum eodem locò isti remiges habeantur, quò apud locatores equi meritorii, cùm quolibet momentò, quò appellantur, debeant expergisci. Insuper mancipia ista pœnis quoque oppidò severis subjiçuntur ob delicta: Et quidem ob leviora nervis taurinis, equinis aut mularibus, fustibus item digitalibus atque innodatis restibus in ventrem, aut tergum, aut plantas pedum benè multa accipiunt verbera; Ob graviora autem interdum utròque pede ad diversas triremes alligantur, triremibusque incitatis remis disjunctis, dilacerantur, *Damb. d. c. num. 80.* Tempore denique condemnationis præterlapsò, nisi ad vitæ tempus quidam triremibus fuerint addiçti, iterum dimittuntur, soluto pretio pro impensis nervorum, funium & catenarum aliarumque rerum. Sed hic finem facio, me, si immaturum quid protuli, Tuo, L. B. maturo iudicio lubentissimè submissurus.

S. D. G.



TECA NAZ  
ROMA  
1710